

04/04/1997

Kakak Dr M sertai forum

LANGKAWI, Khamis - Kakak dan anak saudara Datuk Seri Dr Mahathir Mohamad diundang untuk menceritakan rahsia zaman remaja Perdana Menteri di Majlis Pengkisahan Dr Mahathir Semasa Remaja anjuran Galeria Perdana Sabtu ini.

Habsah dan Yasmin Mashahor akan bersama-sama rakan sekelas dan sepermainan Perdana Menteri, Hussein Abdul Rahman dan Osman Bakar menceritakan kisah hidup Dr Mahathir ketika beliau di alam remaja.

Pegawai Perhubungan Awam Lembaga Pembangunan Langkawi (Lada) Mohd Hatta Said, berkata majlis yang akan dipengerusikan oleh bekas Ketua Pengarah Arkib Negara Datuk Zakiah Hanum Abdul Hamid itu akan diadakan di auditorium Lada bermula 9 pagi.

Ia akan dirasmikan oleh Pengurus Besar Lada Datuk Abdul Halil Mutalib.

Majlis itu bertujuan memberi pendedahan kepada pelajar dan remaja mengenai liku hidup Dr Mahathir dari zaman kanak-kanak dan remaja sehingga menjadi Perdana Menteri yang disegani. - Bernama

(END)